

Na osnovu Zakona o igrama na sreću Federacije Bosne i Hercegovine i Pravilnika o sadržaju pravila, uslovima i načinu priređivanja nagradnih igara, privredno društvo Profmedia d.o.o. Banja Luka, Braće Podgornika broj 51, 78000 Banja Luka, JIB 4402594810002, koje zastupa Dragan Momić, dana 29.06.2026. godine donosi sljedeća:

PRAVILA NAGRADNE IGRE

„BIRAJ I OSVOJI“

1. PRIREĐIVAČ

Priređivač nagradne igre je „Profmedia d.o.o.“ Banja Luka, Braće Podgornika broj 51, 78000 Banja Luka, JIB 4402594810002, koje zastupa Dragan Momić (u daljem tekstu: Priređivač).

Tehničku realizaciju nagradne igre (SMS aplikacija, prikupljanje i obrada prijava i izvlačenje dobitnika) obezbjeđuje IT Expert d.o.o. Banja Luka, Trg Krajine bb, 78000 Banja Luka, JIB 4404505560009, kao tehnički provajder.

2. TRAJANJE I SVRHA PRIREĐIVANJA NAGRADNE IGRE

- Nagradna igra traje u periodu 1.8.2026. – 30.8.2026., a priređuje se u svrhu nagrađivanja kupaca za lojalnost i promociju proizvoda Nutrino Lab. Kupovina uslovnih artikala i učešće u nagradnoj igri (slanje SMS poruka) mogući su zaključno do 30.8.2026. 23:59h, dok se izvlačenje dobitnika održava 31.8.2026. godine u 12:00 časova.
- Priređivač će, nakon odobrenja Federalnog ministarstva finansija, a prije početka nagradne igre, objaviti pravila nagradne igre u jednom dnevnom novinama dostupnim na teritoriji Federacije Bosne i Hercegovine, uz obavezno navođenje broja i datuma odobrenja.
- Mjesto promocije su prodajni objekti trgovačkog lanca BINGO na području Federacije Bosne i Hercegovine, u kojima će se za vrijeme trajanja nagradne igre nalaziti promotivni materijali s informacijama o načinu učešća u nagradnoj igri.
- Priređivač će obezbijediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.
- Priređivač će nagradnu igru provesti pod uslovima koji su u skladu sa zakonskim i podzakonskim propisima i opštim moralnim načelima.
- Za vrijeme trajanja nagradne igre, pravila su dostupna na www.nutrinolab.ba.

3. NAZIV NAGRADNE IGRE

Naziv nagradne igre je „BIRAJ I OSVOJI“.

4. NAČIN IZVLAČENJA DOBITNIKA NAGRADA

- Izvlačenje svih nagrada nagradne igre održaće se 31.8.2026. godine u 12:00 časova na adresi Nelt d.o.o., Aerodromska bb, 71123 Istočno Sarajevo, Bosna i Hercegovina, u prisustvu tročlane komisije.
- O toku izvlačenja Komisija će voditi zapisnik koji će minimalno sadržavati:
 - a) mjesto, vrijeme i način izvlačenja;
 - b) broj i datum Rješenja Federalnog ministarstva finansija;
 - c) datum i naziv medija u kojem su pravila nagradne igre objavljena;

- d) imena i prezimena članova komisije;
 - e) imena, prezimena i adrese dobitnika;
 - f) naziv i vrijednost nagrade pojedinog dobitnika.
- Izvlačenje dobitnika vrši se za teritoriju Federacije Bosne i Hercegovine, pri čemu se izvlači 30 Nutrino Lab poklon paketa, 2 Sony Play Station 5 slim E chassis i 1 vaučer za putovanje po izboru za dvije osobe agencije Filip Travel.
 - Izvlačenje će biti automatsko, putem kompjuterskog programa posebno dizajniranog za tu svrhu. Računar će za svaku glavnu nagradu (Sony PlayStation 5 i vaučer za putovanje) izvući po 2 rezervna dobitnika, a za Nutrino Lab poklon pakete izvući će se ukupno 15 rezervnih dobitnika. U slučaju da prvobitno izvučeni dobitnik ne ispunjava kriterije da preuzme nagradu ili ga nije moguće obavijestiti u roku od 8 dana od dana izvlačenja, Priređivač će se obratiti rezervnim dobitnicima.
 - Ukoliko zbog okolnosti za koje nije kriv Priređivač (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.) nije moguće obavijestiti dobitnike nagrada, Priređivač će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.
 - Dobitnici će biti kontaktirani na broj telefona sa kojeg je poruka poslana. Korisnik broja ne mora biti i vlasnik telefona. Nagrada će biti dodijeljena korisniku broja.
 - Jedna osoba može poslati neograničen broj SMS poruka, ali osoba može dobiti samo jednu nagradu bez obzira na to koliko tekstualnih poruka je poslano.

5. FOND NAGRADA

Nagradni fond sastoji se od 33 nagrade (30 Nutrino Lab poklon paketa, 2 Sony Play Station 5 slim E chassis i 1 vaučer za putovanje po izboru za dvije osobe agencije Filip Travel) čija ukupna vrijednost iznosi 6.918,59 KM sa uračunatim PDV-om, a koje se izvlače za teritoriju Federacije Bosne i Hercegovine.

6. POJEDINAČNA TRŽIŠNA VRIJEDNOST NAGRADA

Fond nagrada po entitetu sastoji se od:

Nagrada	Količina	Pojedinačna vrijednost (sa PDV-om)	Ukupna vrijednost
Nutrino Lab poklon paket <i>Sadržaj paketa:</i> - Nutrino Lab Pire Much Berry 180 g - Nutrino Lab Pire Berry Blossom 180 g - Nutrino Lab Pire Cloudy Tropical 180 g - Nutrino Lab Happy Gut Pouch 180 g - Nutrino Lab So Gut ovsena kaša 60 g - Nutrino Lab Happy Gut ovsena kaša 60 g - Nutrino Lab Verry Gut ovsena kaša 60 g - Nutrino Lab Strong Energy Boost 180 g - Nutrino Lab Plenty Energy Boost 180 g - Nutrino Lab Pire Power Mix	30	26,61 KM	798,30 KM
Sony Play Station 5 slim E chassis	2	1.299,90 KM	2.599,80 KM
Vaučer za putovanje po izboru za dvije osobe agencije Filip Travel (1.800 EUR)	1	3.520,49 KM	3.520,49 KM
UKUPNO (33 nagrade)			6.918,59 KM

Nagrada „vaučer za putovanje“ predstavlja poklon vaučer u vrijednosti od 1.800 EUR (3.520,49 KM) koji se uručuje dobitniku. Dobitnik samostalno odlučuje kada, gdje i sa kim putuje, te bira destinaciju i sadržaj putovanja po vlastitom izboru. Vaučer se mora iskoristiti najkasnije do 31.12.2026. godine. Vrijednost vaučera ne može se zamijeniti za novac, niti isplatiti u gotovini. Ukoliko vrijednost odabranog putovanja prelazi iznos od 1.800 EUR (3.520,49 KM), razliku u cijeni dobitnik snosi sam. Nagrada nije prenosiva na drugo lice. Na putovanje može ići i lice mlađe od 18 godina, ali isključivo u pratnji dobitnika koji je stariji od 18 godina.

7. POREZ NA DOHODAK

1) Porez na dohodak obračunat će se po osnovu člana 6. i 23. Zakona o porezu na dohodak FBiH u skladu sa članom 3. Zakona o izmjenama i dopunama Zakona o porezu na dohodak FBiH.

2) Prije preuzimanja nagrada dobitnik je dužan dostaviti Priređivaču svu potrebnu dokumentaciju kako bi se izvršila uplata poreza u skladu sa Zakonom o porezu na dohodak FBiH (CIPS prijava za uplatu poreza koji se plaća prema adresi prebivališta dobitnika). Porez na dohodak po osnovu ostvarene nagrade u cijelosti snosi Priređivač.

8. USLOVI I NAČIN UČESTVOVANJA U NAGRADNOJ IGRI

- Pravo učešća u nagradnoj igri imaju kupci (fizička lica) sa prijavljenim prebivalištem u Federaciji Bosne i Hercegovine, koji u periodu 1.8.2026. – 30.8.2026. obave kupovinu u prodajnim objektima trgovačkog lanca BINGO na području Federacije Bosne i Hercegovine i koji na jednom fiskalnom računu imaju najmanje dva (2) Nutrino Lab proizvoda.
- Potrošač postaje učesnik nagradne igre slanjem SMS poruke na broj 091 210 003, u formatu: 11 + BF ili IBFM broj sa fiskalnog računa (npr: 11BS03431086623). Učesnik šalje prefiks 11 i potom BF odnosno IBFM broj koji se nalazi na fiskalnom računu (oznaka BF/IBFM). Broj je isti za sve mobilne mreže, a tarifna kategorija iznosi 0,20 KM po poruci (PDV nije uračunat u cijenu). Cijene SMS poruka neće se mijenjati u toku nagradne igre.
- Sve informacije i upite u vezi sa nagradnom igrom učesnici mogu uputiti na e-mail adresu nutrinolab@nagradnaigra.net.
- Učesnik je obavezan sačuvati fiskalni račun kao dokaz o obavljenoj kupovini uslovnih artikala. Svi učesnici će dobiti povratnu poruku da je njihova poruka primljena i potvrdu da učestvuju u nagradnoj igri, a u slučaju slanja pogrešne poruke dobiće poruku da je njihova poruka nevažeća uz zahtjev da je pošalju ponovo. Samo ispravno popunjene pristigle SMS poruke učestvuju u nagradnoj igri.
- Samo pravilno unet BF/IBFM broj biće prihvaćen kao ispravan, dok će svi ostali unosi koji ne odgovaraju BF/IBFM broju sa računa, biti odbijeni kao nepotpuni ili neispravni.
- Korisnik snosi punu odgovornost za tačnost unetog BF/IBFM broja. Priređivač nema obavezu da provjerava tačnost podataka unetih od strane korisnika i ne odgovara za štetu, gubitak, ili bilo kakve posledice koje mogu nastati usled pogrešno unetog, ili nevažećeg BF/IBFM broja.
- Biće prihvaćen samo onaj BF/IBFM broj koji se nalazi na fiskalnom računu koji je izdat u toku nagradne igre.
- Jedan fiskalni račun može učestvovati u nagradnoj igri samo jednom, bez obzira na broj uslovnih artikala koje sadrži.
- Prije dodjele nagrade, Priređivač će izvršiti validaciju fiskalnog računa dobitnika, kojom se provjerava da li račun ispunjava uslove učešća (kupovina najmanje dva Nutrino Lab proizvoda) i da nije prethodno iskorišten u nagradnoj igri.

- U slučaju višestruke prijave istog fiskalnog računa, kao ispravna će se priznati samo prva ispravna prijava, dok će sve naredne prijave tog računa biti proglašene nevažećim.
- SMS poruke se šalju u periodu od 07:01h dana 1.8.2026. do 23:59h dana 30.8.2026. godine. Neće se uzeti u obzir vrijeme kada je poruka poslana, već vrijeme kada je primljena.
- Dobitnici nagradne igre izvlačiće se uz pomoć kompjuterskog softvera koji prikuplja informacije poslane putem SMS poruke i nasumično određuje dobitnike. Priređivač ne snosi odgovornost za bilo kakve probleme nastale tokom trajanja nagradne igre, a koji se odnose na tekstualne poruke i mobilne mreže sa kojih se poruke šalju, a nemaju veze sa voljom Priređivača.
- U nagradnoj igri ne mogu učestvovati radnici Priređivača, Priređivača, društva Nelt d.o.o. i trgovačkog lanca BINGO, njihov bračni odnosno vanbračni partner, dijete (bračno, vanbračno, usvojeno, pastorko i dijete bez roditelja uzeto na izdržavanje), otac, majka, očuh, maćeha, usvojilac, djed i baka (po ocu i majci), braća i sestre.

9. ZAŠTITA LIČNIH PODATAKA

- Učestvovanjem u nagradnoj igri učesnici omogućavaju Priređivaču prikupljanje, obradu i evidenciju ličnih podataka koji se prenose u skladu sa Zakonom o zaštiti ličnih podataka. Prikupljeni lični podaci koriste se za evidenciju Priređivača i samo u svrhe za koje su prikupljeni.
- Učestvovanjem u nagradnoj igri, učesnici daju saglasnost da njihovi lični podaci dostavljeni Priređivaču budu uneseni u Priređivačevu bazu podataka, u svrhu učestvovanja u ovoj nagradnoj igri i procesu izvlačenja dobitnika.
- Učestvovanjem u ovoj nagradnoj igri, učesnici su saglasni da se, ako postanu dobitnici neke od nagrada, njihovo ime, adresa, slika i video mogu od strane Priređivača objaviti i koristiti bez naknade u štampanom, slikovnom, audio i video materijalu.
- Priređivač će preduzeti sve potrebne mjere predostrožnosti da osigura zaštitu ličnih podataka, zaštitu od gubitka, zloupotrebe, neovlaštenog razotkrivanja, izmjene i/ili distribucije u skladu sa Zakonom. Učesnici imaju sljedeća prava, u skladu sa Zakonom o zaštiti ličnih podataka: pravo da budu informisani, pravo pristupa podacima, pravo na ispravku, pravo na brisanje/zaborav, pravo na ograničenje obrade, pravo na prenosivost podataka, pravo na prigovor i osporavanje različitih radnji.

10. NAČIN OBJAVLJIVANJA DOBITNIKA NAGRADA

- Rezultati nagradne igre i imena dobitnika nagrada biće objavljeni na web stranici www.nutrinolab.ba u roku od 15 dana od dana nagradnog izvlačenja.
- Svi dobitnici biće obaviješteni SMS porukom na broj telefona sa kojeg su poslali kod, u roku od 8 dana od dana izvlačenja.

11. MJESTO, ROK I NAČIN DOSTAVE NAGRADA

- Dobitnici su dužni da u roku od 48 sati od prijema obavijesti o dobitku dostave na e-mail adresu nutrinolab@nagradnaigra.net sljedeće podatke: ime i prezime; fotografiju fiskalnog računa na kojem se vidi obavljena kupovina uslovnih artikala; adresu za isporuku nagrade; broj telefona sa kojeg je poslat kod.
- Nagrade će biti dostavljene dobitnicima putem kurirske službe ili Pošte BiH na adresu koju dobitnik dostavi, a najkasnije u roku od 30 dana od dana obavijesti o osvojenoj nagradi.
- Ukoliko dobitnik u roku od 48 sati ne dostavi tražene podatke ili se utvrdi da ne ispunjava uslove za dodjelu nagrade, gubi pravo na nagradu, a Priređivač će se obratiti rezervnom dobitniku.

- Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju kojom dokazuje status roditelja/staratelja.
- Nagrade se ne mogu zamijeniti ili isplatiti u gotovini. Dobitnik nema pravo zahtijevati drugačiju nagradu ili nagradu koja prelazi iznos naveden u ovim Pravilima.
- Priređivač ne preuzima odgovornost za bilo kakvu štetu koja bi eventualno nastala kao posljedica preuzimanja ili korištenja nagrade iz nagradnog fonda.
- Priređivač je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.
- Odgovornost Priređivača nagradne igre ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.
- Nagradu — vaučer za putovanje — realizuje turistička agencija Filip Travel d.o.o. Banja Luka. Nakon što se dobitniku uruči vaučer, agencija Filip Travel d.o.o. odgovorna je za realizaciju putovanja, odnosno da uslugu putovanja isporuči dobitniku u skladu sa uslovima i vrijednošću vaučera.

12. NADLEŽNOST SUDA

Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika. Svi eventualni sporovi između Priređivača i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.

13. SASTAV KOMISIJE ZA IZVLAČENJE NAGRADA

Tročlanu komisiju za izvlačenje nagrada Priređivač će naknadno imenovati.

14. USLOVI POD KOJIMA SE NAGRADNA IGRA MOŽE IZMIJENITI, PREKINUTI ILI OTKAZATI

- 1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.
- 2) U slučaju prekida ili otkazivanja nagradne igre usljed nastupanja vanrednih okolnosti, Priređivač će o navedenom obavijestiti Federalno ministarstvo finansija.
- 3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se to traži dokazani od strane Priređivača ili opštepoznati, a Priređivač će učesnike o navedenom obavijestiti na isti način na koji su objavljena ranije odobrena pravila nagradne igre.

Broj protokola: 07-07/26

Datum: 29.06.2026.

Profmedia d.o.o.

Dragan Momić
